



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-975/09
Sarajevo, 12.5.2009. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 13. 5. 2009.			
Organizaciona jedinica	Klasifikaciona oznaka	Redni broj	Broj priloga
01-50-1-15-48/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 86. sjednici održanoj 7.5.2009. godine, utvrdilo je Odgovor na zastupničku inicijativu koju je Azra Hadžiahmetović, zastupnik u Zastupničkom domu Parlamentarne skupštine Bosne i Hercegovine, podnijela na 48. sjednici ovog doma održanoj 18.3.2009. godine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-975/09

Sarajevo, 7.5.2009. godine

Gospođa Azra Hadžiahmetović, zastupnica u Zastupničkom domu Parlamentarne skupštine Bosne i Hercegovine, na 48. sjednici Zastupničkog doma održanoj 18.03. 2009. godine, u okviru zastupničkih pitanja uputila je inicijativu za pokretanje postupka za potpisivanje:

-Dodatnog protokola na krivičnopravnu Konvenciju o korupciji Vijeća Evrope i

-Konvencije Organizacije za ekonomsku saradnju i razvoj OECD, o borbi protiv podmićivanja stranih javnih službenika.

Na upućenu inicijativu za pokretanje postupka potpisivanja navedenih konvencija, Vijeće ministara Bosne i Hercegovine je na 86. sjednici održanoj 7. 5. 2009. godine, utvrdilo sljedeći

ODGOVOR

- Ministarstvo pravde Bosne i Hercegovine je 08.04.2009. godine, (akt broj: 07-14-2-3606/08), dostavilo Minisarstvu vanjskih poslova Bosne i Hercegovine Odluku Predsjedništva Bosne i Hercegovine o pristupanju Bosne i Hercegovine Dodatnom protokolu krivičnopravne konvencije protiv korupcije sa Osnovom za pristupanje i potrebnim tekstovima Dodatnog protokola, sa molbom da kao nadležno ministarstvo, u skladu sa odredbama Zakona o postupku zaključivanja i izvršavanja međunarodnih ugovora provede postupak pristupanja i ratifikacije predmetnog Dodatnog protokola.

S obzirom da je Bosna i Hercegovina 01.03.2000. godine, potpisala i 30.03.2002. godine, ratificirala Krivičnopravnu konvenciju o korupciji, te da je Strategijom Bosne i Hercegovine za borbu protiv organiziranog kriminala i korupcije usvojenoj od strane Vijeća ministara Bosne i Hercegovine na 121. sjednici održanoj 15.06.2006. godine, ocjenjeno kao jedan od primarnih ciljeva pristup Dodatnom protokolu ove Konvencije, Ministarstvo pravde Bosne i Hercegovine je krajem jula 2008. godine, pokrenulo proceduru pristupanja istom u skladu sa Zakonom o postupku zaključivanja i izvršavanja međunarodnih ugovora ("Sl. Glasnik BiH" broj: 29/00).

U skladu sa članom 4. tačka 5. navedenog Zakona zatražena su mišljenja Ministarstva inostranih poslova Bosne i Hercegovine, Ministarstva sigurnosti Bosne i Hercegovine i Ministarstva za ljudska prava i izbjeglice Bosne i Hercegovine. Nakon dobijenih pozitivnih mišljenja navedenih ministarstava, sačinjen je Nacrt osnove za pristupanje Bosne i

Hercegovine predmetnom Dodatnom protokolu i pribavljeno mišljenje Ureda za zakonodavstvo Vijeća ministara Bosne i Hercegovine.

Nacrt osnove za pristupanje Bosne i Hercegovine sa tekstom Dodatnog protokola i priloženim mišljenjima nadležnih ministarstava dostavljen je Vijeću ministara Bosne i Hercegovine, koje je na 64. sjednici održanoj 30. 10.2008.godine, utvrdilo Prijedlog osnove za pristupanje navedenom Dodatnom protokolu i zaključilo da Ministarstvo pravde Bosne i Hercegovine isti dostavi Predsjedništvu Bosne i Hercegovine u dalju proceduru, s tim da se za potpisnika pristupa Bosne i Hercegovine odredi šef Misije Bosne i Hercegovine pri Vijeću Evrope.

Kao što je na početku napomenuto, po primitku Odluke Predsjedništva Bosne i Hercegovine o pristupanju Bosne i Hercegovine Dodatnom protokolu, Ministarstvo pravde Bosne i Hercegovine je u skladu sa Zakonom o zaključivanju i izvršavanju međunarodnih ugovora, kompletnu dokumentaciju dostavilo Ministarstvu vanjskih poslova Bosne i Hercegovine, kako bi isto pokrenulo dalju završnu proceduru pristupanja i ratifikacije ovog međunarodnog instrumenta.

- Što se tiče Konvencije Organizacije za ekonomsku saradnju i razvoj OECD o borbi protiv podmićivanja stranih javnih službenika, Ministarstvo sigurnosti Bosne i Hercegovine, kao nadležno ministarstvo za pokretanje inicijative za pristupanje ovoj Konvenciji, zatražilo je od Ambadora Bosne i Hercegovine u Francuskoj da obavi razgovore sa predstavnicima OECD, odnosno sa šefom Sektora za borbu protiv korupcije i administratorom Antikorupcijske mreže za Centralnu i Istočnu Evropu OECD.

Razgovori su vođeni u cilju pokretanja procedure pristupanja Bosne i Hercegovine ovoj Konvenciji, a radi ispunjavanja zahtjeva iz Mape puta za liberalizaciju viznog režima.

Tom prilikom su predstavnici OECD bili iznenađeni ovom inicijativom Bosne i Hercegovine, uz obrazloženje da je riječ o jednoj od "najzatvorenijih i najzahtjevnijih konvencija OECD" kojoj je do danas pristupilo 30 članica OECD i samo 8 drugih zemalja. Ukazali su na veoma visoke zahtjeve Konvencije u pogledu uspostave specifičnog zakonodavstva iz ove materije u zemljama koje pristupaju Konvenciji. Također su iznijeli da, u principu, pomenutoj Konvenciji pristupaju zemlje koje se mogu smatrati "velikim izvoznicima na regionalnom ili globalnom planu.

Posebno su istakli da, po njihovom mišljenju, kad je u pitanju ispunjavanje zahtjeva iz Mape puta za liberalizaciju viznog režima, u kojoj se kao jedan od zahtjeva traži od Bosne i Hercegovine da pristupi ovoj konvenciji, EU do sada nikad nije uslovljavla pristupanje Dvadesetosmorici (sticanje punopravnog članstva u EU), a još manje liberalizaciji viznog režima, pristupanjem navedenoj Konvenciji OECD. Tim prije što ni sve zemlje EU još nisu postale ugovorne strane Konvencije kao na primjer Rumunija, Litvanija i Letonija, koje su pokušale da pristupe Konvenciji, ali u tome nisu uspjele zbog veoma složenih uslova, a Slovenija je jedina članica Konvencije od zemalja bivše Jugoslavije.

Na kraju su predložili da bi za Bosnu i Hercegovinu bilo mnogo realnije da što aktivnije učestvuje u aktivnostima Antikorupcijske mreže za Centralnu i Istočnu Evropu u OECD(naša zemlja već učestvuje u ovom tijelu OECD).